

missarios, quavis auctoritate fungentes, etiam causarum Palatii Apostolici Auditores, & ipsius Romanae Ecclesiae Cardinales, ac eorum Collegium in quavis causa, & instantia, sublata eis, & eorum cuilibet quavis aliter iudicandi, & interpretandi auctoritate, & facultate, iudicari, & definiri debere, ac si secus super his a quoquam quavis auctoritate, scienter, vel ignoranter contigerit attentari, irritum, & inane decernimus.

Clausulae derogatoriae.

§.7. Non obstantibus Constitutionibus, & Ordinationibus Apostolicis, ceterisque contrariis quibuscumque.

Nulli ergo &c. Si quis &c.

D. P. An.I.
12. Julii.

Datum Romae apud Sanctum Marcum, anno Incarnationis Dominicae millesimo quingentesimo quinquagesimo quinto, Pridie Idus Julii, Pont. nostri Anno I.

IV.

Leges, & ordinationes a Judaeis in Statu Ecclesiastico degentibus observandae.

Aliqua ordinavit etiam Innoc. IV. in Const. IV. Impia Tom. III. fol. 298.

PAULUS EPISCOPUS
SERVUS SERVORUM DEI

Ad futuram rei memoriam.

Cause harum ordinationum contra Hebraeos.

CUM nimis absurdum, & inconueniens existat, ut Judaei, quos propria culpa perpetuae seruituti submisit, sub praetextu quod pietas Christiana illos receperit, & eorum cohabitationem sustineat, Christianis adeo sint ingrati, ut eis pro gratia contumeliam reddant, & in eos pro seruitute, quam illis debent, dominatum vendicare procurant. Nos, ad quorum notitiam nuper devenit eosdem Judaeos in Alma Urbe nostra, & nonnullis S. R. E. Civitatibus, Terris, & locis, in id insolentiae prorupisse, ut non solum mixtim cum Christianis, & prope eorum Ecclesias, nulla intercedente habitus distinctione, cohabitare, verumetiam Domos in nobilioribus Civitatibus, Terrarum, & locorum, in quibus degunt, vicis, & plateis conducere, & bona stabilia comparare, & possidere, ac nutrices, & ancillas alioque serientes Christianos mercenarios habere, & diversa alia in ignominiam, & contemptum Christiani nominis perpetrare praesumant, considerantes Ecclesiam Romanam eosdem Judaeos tolerare in testimonium verae fidei Christianae, & ad hoc, ut ipsi Sedis Apostolicae pietate, & benignitate allesti, errores suos tandem recognoscant, & ad verum Catholicam fidei lumen pervenire satagant, & propterea convenire, ut quando in eorum erroribus persistunt, effectu operis recognoscant se servos, Christianos vero liberos per Jesum Christum Deum, & Dominum nostrum effectos fuisse, iniquumque existere, ut filii liberae filii famulentur ancillae.

Habent in locis a Christianorum ha-

§.1. Volentes in praemissis, quantum Deo possumus, salubriter providere, hac
Bull. Rom. Tom. IV. Par. I.

nostra perpetuo valitura Constitutione sancimus, quod de cetero perpetuis futuris temporibus, tam in Urbe, quam in quibusvis aliis ipsius Romanae Ecclesiae Civitatibus, Terris, & locis, Judaei omnes in uno, & eodem, ac si ille capax non fuerit, in duobus, aut tribus, vel tot, quot satis sint, contiguis, & ab habitationibus Christianorum penitus se junctis, per Nos in Urbe, & Magistratus nostros in aliis Civitatibus, Terris, & locis praedictis designandis vicis, ad quos unicus tantum ingressus pateat, & quibus solum unicus exitus detur, omnino habitent.

1555.
habitatione separatis.

§.2. Et in singulis Civitatibus, Terris, & locis in quibus habitaverint, unicum tantum synagogam in loco solito habeant, nec aliam de novo construere, aut bona immobilia possidere possint. Quinimmo omnes eorum synagogas, praeter unam tantum demoliri, & devastare, Ac bona immobilia, quae ad praesens possident, infra tempus eis per ipsos Magistratus praesignandum, Christianis vendere.

Synagogam in Civitate unicum habeant.

§.3. Et ad hoc, ut pro Judaeis ubique dignoscantur, masculi biretum, feminae vero aliud signum patens, ita ut nullo modo celari, aut abscondi possint, glauci coloris palam deferre teneantur, & adstricti sint, nec super non delatione bireti, aut alterius signi hujusmodi, praetextu cujusvis eorum gradus, vel praesentiae, seu tolerantiae excusari, aut per ejusdem Ecclesiae Cameraarium, vel Camerae Apostolicae Clericos, seu alias illi Praesidentes personas, aut Sedis Apostolicae Legatos, vel eorum Vicelegatos quovis modo dispensari, aut absolvi possint.

Signum glauci coloris deferant.

§.4. Nutrices quoque, seu ancillas, aut alias utriusque sexus serientes Christianos habere, vel eorum infantes per mulieres Christianas lactari, aut nutriri facere.

Nutrices aut serientes Christianos non retineant.

§.5. Seu Dominicis, vel aliis de praescripto Ecclesiae festis diebus in publico laborare, aut laborari facere.

Diebus festis publicis non laborent.

§.6. Seu Christianos quoquo modo gravare, aut contractus fictos, vel simulatos celebrare.

Christianos non gravent.

§.7. Seu cum ipsis Christianis ludere, aut comedere, vel familiaritatem, seu conversationem habere nullatenus praesumant.

Cum eis non converentur.

§.8. Nec in libris rationum, & computorum, quae cum Christianis pro tempore habebunt, aliis, quam Latinis literis, & alio quam vulgari Italico sermone, uti possint, & si utantur, libri hujusmodi contra Christianos nullam fidem faciant.

Libros Italice scribant.

§.9. Judaei quoque praefati sola arte strazariae, seu cenciariae (ut vulgo dicitur) contenti, aliquam mercaturam frumenti, vel hordei, aut aliarum rerum usui humano necessarium facere.

Mercaturam non exercent.

§.10. Et qui ex eis medici fuerint, etiam vocati, & rogati, ad curam Christianorum accedere, aut illi interesse nequeant.

Medici si sint Christianos non curent.

§.11. Nec se a pauperibus Christianis Dominos vocari patiantur.

Dominos non vocentur a Christianis.

§.12. Et menses in eorum rationibus, & computis ex triginta diebus completis omnino

Menses dierum 30. ser-

1555.
vent, in exi-
gendis credi-
tis.

nino conficiant, dies, qui ad numerum triginta non ascenderint, non pro mensibus integris, sed solum pro tot diebus quot in effectu fuerint, computentur, & juxta ipsorum dierum numerum, & non ad rationem integri mensis eorum credita exigant. Ac pignora eis pro cautione pecuniarum suarum pro tempore consignata, nisi transactis prius a die, quo illa eis data fuerint, decem, & octo integris mensibus vendere nequeant, & postquam menses prædicti effluxerint, si ipsi Judæi pignora hujusmodi vendiderint, omnem pecuniam, quæ eorum credito super fuerit, domino pignorum consignare.

Septua locorum sergent.

§.13. Et statuta Civitatum, Terrarum, & locorum, in quibus pro tempore habitaverint, favorem Christianorum concernentia, inviolabiliter observata etiam teneantur.

Contravenientes puniantur.

§.14. Et si circa præmissa in aliquo quomodolibet defecerint, juxta qualitatem delicti in Urbe per Nos, seu Vicarium nostrum, aut alios a Nobis deputandos, ac in Civitatibus, Terris, & locis prædictis per eosdem Magistratus, etiam tamquam rebelles, & criminis læsæ Majestatis rei, a toto Populo Cristiano diffidati, nostri, & ipsorum Vicarii, ac deputandorum, & Magistratum arbitrio puniri possint.

Quibuscumque non obstantibus.

§.15. Non obstantibus Constitutionibus, & Ordinationibus Apostolicis, ac quibusvis tolerantibus, seu privilegiis, & indultis Apostolicis eisdem Judæis per quoscumque Romanos Pontifices Prædecessores nostros, ac Sedem prædictam, aut illius Legatos, vel ipsius Romanæ Ecclesiæ Camerarios, & Cameræ Apostolicæ Clericos, seu alios illius Præsidentes sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, etiam motu proprio, & ex certa scientia, ac de Apostolicæ potestatis plenitudine concessis, ac etiam iteratis vicibus approbatis, & innovatis, quibus omnibus, etiam si pro illorum sufficienti derogatione, de eis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes, mentio seu quavis alia expressio habenda, aut aliqua exquisita forma servanda esset, tenores hujusmodi, ac si de verbo ad verbum nihil penitus omissis, & forma in illis tradita, observata inserti forent præsentibus pro expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Nulli ergo &c. Si quis autem &c.

Dat. P. An. I.
die 12. Julii.

Datum Romæ apud S. Marcum anno Incarnationis Dominicæ, millesimo quingentesimo quinquagesimo quinto, Prædie Idus Julii, Pont. nostri Anno I.

V.

1555.

Negantes Trinitatem, aut Divinitatem Jesu Christi, aut ejus Conceptionem de Spiritu Sancto, aut ejus mortem, ut nos redimeret, aut Virginitatem B. M. V., hæretici declarantur.

PAULUS EPISCOPUS
SERVUS SERVORUM DEI

Ad perpetuam rei memoriam.

CUM quorundam hominum pravitas atque iniquitas eo usque nostris temporibus processerit, ut ex iis, qui a Catholica fide aberrant, & desciscunt, plurimi quidem, non solum diversas hæreses profiteri, sed etiam ipsius fidei fundamento negare præsumant, & eorum exemplo multos in interitum animæ deducant.

Causa istius
Cõstitutionis

§.1. Nos cupientes, pro nostro Pastoralis officio, & caritate hujusmodi homines, quantum cum Deo possumus, a tam gravi, & pestilenti errore avocare, ac ceteros ne in talem impietatem labantur, paterna severitate admonere, omnes, & singulos, qui hætenus asseruerunt, dogmatizarunt, vel crediderunt, Deum omnipotentem non esse trinum in personis, & incomposita omnino, indivisaque unitate substantiæ, & unum unamet simplici Divinitatis essentia, aut Dominum nostrum Jesum Christum non esse verum Deum ejusdem substantiæ per omnia cum Patre, & Spiritu Sancto, aut eundem secundum carnem non esse conceptum in Utero Bnæ, semperque Virginis Mariæ de Spiritu Sancto, sed sicut ceteros homines ex semine Joseph, aut eundem Dominum, ac Deum nostrum Jesum Christum non subisse acerbissimam Crucis mortem, ut nos a peccatis, & ab æterna morte redimeret, & Patri ad vitam æternam reconciliaret, aut eandem Bnæ Virginem Mariam non esse veram Dei Matrem, nec perstitisse semper in Virginitatis integritate, ante partum scilicet, in partu, & perpetuo post partum, ex parte omnipotentis Dei Patris, & Filii, & Spiritus Sancti, Apostolica auctoritate requirimus, & monemus, quantum infra spatium trium mensium a publicatione præsentium in Romana Curia, quoad residentes in ea, modo infra scripto, extra eam vero, quo ad alios in illa non residentes, modo, & forma per Dioecesanos statuendis, facienda incipiendorum, quos pro primo, secundo, & tertio, ac peremptorio termino, ac monitione canonica eis, & eorum cuiuslibet assignamus, ab eorum assertione dogmatibus, & credulitate hujusmodi, ac quibuscumque aliis in fide prædicta erroribus, in quos hætenus lapsi sunt, respicuisse, & ad unitatem Ecclesiæ redeundo, assertionem, dogmata, & credulitatem, ac alios errores hujusmodi in manibus Inquisitorum hæreticæ pravitatis, Civitatum, & locorum, in quibus ad præsens degunt, realiter, & cum effectu abjurasse, & infra alios tres menses a die abjuratiõis hujusmodi inchoandos, de eadem abjuratiõne venerabilibus fratribus nostris Sanctæ Romanæ Ecclesiæ Cardinalibus,

Negantes Trinitatem, aut Divinitatem Jesu Christi, &c. eorum errores abiuret & de abiuratione doceant coram Inquisitoribus.